



Broj: 04-40-1-175/24  
Sarajevo, 24.06.2024. godine

Na osnovu dobivenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, JU Zavod za javno zdravstvo Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organiziranju i funkcioniranju operativnih centara civilne zaštite („Službene novine Federacije BiH“, broj 9/19) dostavljamo Vam:

**REDOVNI IZVJEŠTAJ**  
za period od 08:30 sati 21.06.2023. do 08:30 sati 24.06.2024. godine

**Dana, 21.06.2024. godine po nalogu komandanta Štaba civilne zaštite Kantona Sarajevo, Kantonalna uprava civilne zaštite Kantona Sarajevo** je angažovala pet cisterni za vodu sa posadom od općinskih struktura zaštite i spašavanja i iste dala na raspolaganje KJKP Vodovod i kanalizacija, koje su vršili dostavu vode naaseljima kod kojih je došlo do prekida u snabdijevanju sa vodom zbog nestanka električne energije na području Kantona Sarajevo. S obzirom da je Kantonalna uprava civilne zaštite Kantona Sarajevo navedene cistrene za vodu nabavila i dala na korištenje općinskim strukturama zaštite i spašavanja, pomoćnik direktora za mjere zaštite i spašavanja Kantonalne uprave civilne zaštite Kantona Sarajevo je koordinira sa svim aktivnostima na angažovanju predmetnih cisternih za vodu na dostavi vode potrošačima.

**Kantonalna uprava civilne zaštite Kantona Sarajevo:** Pripadnici Profesionalne vatrogasne jedinice Kantonalne uprave civilne zaštite Kantona Sarajevo u izvještajnom periodu imali su jednu veću intervenciju dana, 21.06.2024.godine u 16:43 sati u ulici Karima Zaimovića bb (Ilidža) gdje je gorio stan i fasada na zgradi. Požar je lokalizovan u 17:21 sat, a likvidiran u 18:20 sati. Na gašenju požara učestvovalo 16 vatrogasaca sa šest vatrogasnih vozila. Priočinjena materijalna šteta, nije bilo povrijeđenih lica.

Također, u izvještajnom periodu imali su i 34 manje intervencije i to: dvije na gašenju zapaljenih automobila, tri na gašenju zapaljenog smeća u kontejneru, jednu na gašenju napuštene kuće, jednu nna gašenju zapaljene kartonske ambalaže, pet na gašenju niskog rastinja, dvije na gašenju zapaljenih dimnjaka, jednu na gašenju poslovnog prostora, 10 tehničkih intervencija (sedam zaglavljenih liftova, jedna asistencija radnicima KJKP Vodovod i kanalizacija i dvije na Međunarodnom aerodromu Sarajevo) i devet obezbjeđenja (osam tankovanje goriva na Međunarodnom aerodromu sarajevo i jedno javnog skupa).

**NAPOMENA:** U protekla 24 sata pripadnici Profesionalne vatrogasne jedinice Kantonalne uprave civilne zaštite Kantona Sarajevo imali su 13 manjih intervencija i to: tri na gašenju zapaljenog smeća u kontejneru, dvije na gašenju niskog rastinja, jednu na gašenju napuštene kuće, jednu na gašenju zapaljane kartonske ambalaže, dvije tehničke intervencije (jednu na otvaranju vrata stana i jednu na Međunarodnom aerodromu Sarajevo) i četiri obezbjeđenja tankovanja goriva na Međunarodnom aerodromu Sarajevo.

**Iz općinskih operativnih centara civilne zaštite s područja Kantona Sarajevo, kao i od drugih davalaca informacija** nisu dobivene relevantne informacije koje se odnose na prirodne nesreće ili druge pojave koje ugrožavaju živote i zdravlje ljude, kao i materijalna i kulturna dobra.

**Elektro distribucija Sarajevo:** Dana, 21.06.2024. godine zbog problema u prenosnoj mreži u regionu i preopterećenja 400 kV interkonektivnih vodova došlo je do raspada elektroenergetskog sistema u većem dijelu BiH a samim tim i do nestanka el. energije na cijelom području Kantona Sarajevo. El.energije nije bilo od 12:20 do 15:00 sati kada je došlo do normalizacije napajanja.

**KJKP Sarajevogas:** Svi potrošači u Kantonu Sarajevo su uredno snabdjeveni prirodnim gasom.

**KJKP Vodovod i kanalizacija:** Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži, te u naseljima u kojima je došlo do prekida u snabdijevanej sa vodom zbog nestanka električne enregije dana, 21.06.2024. godine.

**Federalni hidrometeorološki zavod:** Jutros u 08:00 sati temperatura u Sarajevu na mjernoj stanici Bjelave je iznosila 23°C, vlažnost zraka 66%, barometarski pritisak 940,2 hPa.

**BIHAMK:** Saobraćaj se na području Kantonu Sarajevo odvija uredno, osim na dionicama gdje se izvode planirani radovi na kojima se saobraćaj odvija po posebnom režimu.

Prema informacijama prikupljenih od dežurnih dispečera i informativnih službi **KJKP GRAS, Centrotrans – Eurolines d.d. i JP Željeznice Federacije BiH**, gradski, međugradski i željeznički saobraćaj se odvijaju po redu vožnje.

PO OVLAŠTENJU DIREKTORA  
ŠEF CENTRA  
**Fahrudin Pribišić**

Dostavljeno:

- Predsjedavajućem Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komandantu Štaba CZ Kantona Sarajevo
- Federalnom operativnom centru civilne zaštite
- a/a